

मार्निंग डोगरी न्यूज़ बुलेटिन, समें. 09-20 Hrs

<><><><><><>

## Headlines

- लोकसभा च अज्ज “इक राश्ट्र इक चुनां” बारे बिल पेश कीता जाग।
- राज्यसभा च भारतीय संविधान दे 75 बरें पूरे होने पर विशेष चर्चा बी जारी रौहग। प्रधानमंत्री होर चर्चा दे बाद एहदा परता देंगन।
- उपराज्यपाल मनोज सिन्हा होरें आखेआ ऐ जे दूरदर्शी राष्ट्रीय शिक्षा नीति साढ़े भविष्य दे विकास लेई इक निगगर बुनियाद तैआर करे’रदी ऐ।
- मुख्य मंत्री उमर अब्दुल्ला होरें बिजन कुसै फर्कोफर्की ते शासन चलाने दे अपने धेइयै गी फही पक्का कीता ऐ।
- जम्मू कश्मीर सरकार नै सब्बने स्कूल बसें च सीसीटीवी कैमरे लाने लेई खीरी तरीक 31 जनवरी तैह कीती ऐ।

<><><><><><>

## ONOE

मुख्य च इक्कै बारी च चुनां करोआने सरबंघी “वन नेशन वन इलैक्शन” बारे दऊं बिल अज्ज लोकसभा च पेश कीते जांगन। केन्द्री कनून मंत्री अर्जुन राम मेघवाल होर 129मां संविधान संशोधन बिल ते केन्द्र शासत प्रदेश कनून संशोधन बिल गी अज्ज खल्लके सदन च पेश करगंन। दवै बिल सदन दी कार्यसूचि च दर्ज न।

<><><><><><>

## RS Constitution Debate

भारत दे संविधान दे 75 बरें दी गौरवशाली यात्रा पर अज्ज दुए रोज राज्यसभा च विशेष चर्चा जारी रौहग। प्रधानमंत्री नरेन्द्र मोदी होर अज्ज सदन च इस चर्चा दा परता देंगन। दऊं दि नदी विशेष चर्चा कल राज्यसभा च शुरू होई ही।

चर्चा दी शुरुआत करदे होई केन्द्रीय वित्त मंत्री निर्मला सीतारमण होरें संविधान सभा दे सदस्य गी श्रद्धांजलि दित्ती जेह्दे च शामिल 15 महिला सदस्यें गी खास तौर पर मान्यता दित्ती गई। सीतारमण होरें आखेआ जे एह समां ऐ जे ऐसा भारत बनाने दी प्रतिबद्धता गी फही पक्का कीता जा जेहड़ा संविधान च दर्ज भावना गी कायम रक्खोग।

<><><><><>

## LG-NEP

उपराज्यपाल मनोज सिन्हा होरें कल आखेआ ऐ जे दूर दर्शी राष्ट्रीय शिक्षा नीति कन्नै साढ़ी भविष्य की तरक्की लेई इक मजबूत नीह रक्खी जा'रदी ऐ। उनें आखेआ जे ज्ञान राएं समर्पण, हुनर, उद्यमिता ते लगातार विकास उपपर ध्यान देने कन्नै भारत गी दुनिया दा नमां विकास इंजन बनाई दित्ता ऐ। उनें पिछले किश ब'रे च प्रधानमंत्री नरेन्द्र मोदी हुंदे मार्गदर्शन च उच्च शिक्षा क्षेत्र च होआ'रदे बदलावें उपपर लोह पाई। श्री सिन्हा होरें एह गल्ल उत्तर प्रदेश दे गोंडा दे श्री लाल बहादुर शास्त्री डिग्री कालेज च प्रतिभा सम्मान समारोह दुरान युवाएं गी सम्मानित करदे होई आखी। इस कार्यक्रम दा आयोजन साबका संसद सदस्य ते बीजेपी दे वरिष्ठ नेता सत्यदेव सिंह हुंदी पुण्यतिथि दे मौके उपपर कीता गेआ हा।

<><><><><><>

## DC Rajouri

राजौरी दे जिला विकास कमीशनर अभिषेक शर्मा होरें कल सरकारी मैडिकल कालेज राजौरी दा दौरा लाया, मरीजें ते उंदे तीमारदारें कन्नै गल्लबात कीती ते अस्पताल दे कर्मकाजें दा पूरा पराता जायजा लैता। उंदा एह दौरा चेचा करियै जिले दे बधाल इलाके च 7एं जनें दी संदिग्ध मौत ते केइए दे बमार होई जाने आले घटनाक्रम दी पछोकड़े च हा। बधाल थमां आए दे मरीजें दी डौल पुच्छदे होई डीसी होरें उनेंगी इलाज च हर चाल्ली दे सैहयोग दा भरोसा दोआया। उनें दाखल मरीजें दी हालत च तेजिया कन्नै होआ'रदे सुधार पर संदोख नगट कीती। उनें आखेआ ते जिला प्रशासन प्रभावत लोकें गी हर चाल्ली दी मदद लेई दृढसंकल्प ऐ।

<><><><><><>

## DC-Poonch

पुंछ दे जिला विकास कमीशनर विकास कुंडल होरें कल राष्ट्रीय जरनैली शिड़क एनएच-144-ए पर जारी निर्माण कम्में दा मुआयना कीता। एह जरनैली शिड़क पुंछ ते आले दोआले दे इलाकें च आर्थिक विकास गतिविधिएं दे लिहाज कन्नै बड़ी महत्वपूर्ण ऐ।

दौरे दरान उनें सुक्खाखता, कनकोट, नगाली जोन, जनयार, दिंगला ते चड़क थाहरें पर जारी कम्में ते पुलें दे निर्माण कम्में दा मोआयना कीता ते आखेआ ते कम्मै गी तोड़ चाढ़ने च तेजी आहनदे होई मयार कन्नै कोई समझौता नेई कीता जा।

<><><><><><>

#### Awareness Camp Udhampur

जम्मू कश्मीर राहत ते पुर्नवास मैहकमे आस्सेआ उधमपुर दे डाक बंगले च कश्मीरी विस्थापतें लेई इक रोजा जागरूकता कैप दा सरिस्ता कीता गेआ। इस मौके राहत ते पुर्नवास कमीशनर डॉ. अरविंद करवानी मुख्य परीहने हे। कश्मीरी विस्थापतें लेई बक्ख-बक्ख स्कीमें बारे उत्थें स्टाल बी लाए गेदे हे। साढ़े जिला संवाददाता अचिन दूबे कन्नै गल्ल करदे होई राहत कमीशनर डॉ. अरविंद करवानी होरें आखेआ.....

<><><><><><>

#### CM

मुख्यमंत्री उमर अब्दुल्ला होरें कल अपनी सरकार दे निष्पक्ष शासन लेई प्रतिबद्धता गी दोहरांदे होई इस गल्ला उप्पर जोर भरेआ जे फक्सलें उप्पर राजनीतिक सरबंधें दा कोई असर नेई होग। उनें अफसरें गी आखेआ जे ओह चुने गेदे नुमायंदे आस्सेआ पेश कीते गेदे सार्वजनिक मुद्दें गी गंभीरता ते तौले हल करना मुख्यमंत्री होरें सांबा दे कांफ्रेंस हाल च इक जिला समीक्षा बैठक दी अध्यक्षता करा'रदे दे। उंदे कन्नै इस बैठक च उपमुख्यमंत्री सुरेन्द्र कुमार चौधरी, मंत्री सकीना इत्तू, जावेद अहमद राणा, जावेद अहमद डार ते सतीश शर्मा होर बी मजूद हे। इस बैठक दे मगरा मुख्यमंत्री होरें मंगा सुनियां ते उंदा नबेड़ा करने लेई इक कैप दा आयोजन कीता, जेहदे च मकामी लोकें, उद्योगिक नुमायंदे ते दूर दरेड़े इलाकें दे प्रतिनिधिमंडल शामिल होए ते अपनी मंगा ते शकैतां उंदे सामने पेश कीतियां।

<><><><><><>

#### Transport Commissioner

ट्रांसपोर्ट कमीशनर विशेष महाजन होरें कल विद्यार्थिएं गी ढोने आली गडिडिएं दी सुरक्षा आडिट बारे स्कूली अधिकारिएं दे नुमायंदे कन्नै इक बैठक लाई। इस बैठक दा मकसद स्कूलें थमां सक्रिय भागीदारी ते सैहयोग हासल करना हा तां जे एह लकीनी बनाया जाई सकै जे विद्यार्थिएं गी लेई जाने लेई इस्तेमाल कीती जाने आली गडिडियां परिवहन लेई फिट ते सुरक्षत होन।

स्कूली बसें लेई सुप्रीम कोर्ट दे निर्देशों दा हवाला दिंदे होई ट्रांसपोर्ट कमीशनर होरें 31 जनवरी गी स्कूली बसें च सीसीटीवी लाने दी खीरी तरीक निधारित कीती तां जे डरैवर ते ड्राइविंग दरान मदद करने आले स्टाफ दी हर गतिविधि उपपर नेड़मी तक्क रखी आई सकै। एह्दे कन्नै विद्यार्थिएं दी सुरक्षा जकीनी बनी जाग।

<><><><><><>

Dy. CM

उपमुख्यमंत्री सुरेन्द्र कुमार चौधरी होरें कल सांबा जिले दे ठंडी खूई च बस टर्मिनल उपपर जारी कम्में दा जायजा लैता। पीडब्ल्यूडी आस्सेआ बनाए जा'रदे इस टर्मिनल दी लागत तकरीबन 18.53 करोड़ रुपे ऐ ते इस टर्मिनल च 100 बसां लग्गी सकदियां न।अधिकारिएं कन्नै गल्लबात करदे होई उपमुख्यमंत्री होरें इस परियोजना गी तौले शा तौले पूरा करने मे गुणवत्ता आले मापदंडे दा सख्ती कन्नै पालन करने लेई आखेआ।

<><><><><><>

BBBP

स्माज कल्याण मैहकमे आस्सेआ पॉलीटेक्निक कालेज रामबन दे सैह्योग कन्नै बेटी बचाओ बेटी पढ़ाओ स्कीम तैहत जिले दिएं कुड़िएं लेई इक कम्प्यूटर कोर्स दा सरिस्ता कीता गेआ। इस मुहिम दा मकसद समाज गी कुड़िएं दी शिक्षा ते उनेंगी सिखलाई देइयै अपने पैरे पर खड़ोने दे काबल बनाने लेई प्रेरत करना हा। समाज कल्याण मैहकमे दा आखना ऐ जे समाज च लिंग दी बिनाह पर फर्कोफर्की गी दूर करने लेई कुड़िएं दे सशक्तिकरण ते उंदी आत्मनिभरता गी जकीनी बनाना बड़ा जरूरी ऐ। साढ़े जिला संवाददाता अजय दीप सिंह कन्नै इस बारे गल्ल करदे होई रामबन दे जिला समाज कल्याण अफसर राहुल गुप्ता होरें आखेआ.....

<><><><><><>

Autumn Festival Kishtwar

किश्तवाड़ जिला प्रशासन जिला सतह दे पैहले पैहले ऑटम फ़ैस्टिवल ते कुल भारतीय कवि सम्मेलन दी मेजबानी लेई पूरी चाल्ली तैआ ऐ। जिला विकास कमीशनर राजेश कुमा शवन होरें इस बारे कल इक प्रेस कांफ्रेंस गी संबोधत करदे होई दस्सेआ जे इस आयोजन दा मकसद किश्तवाड़ दे सगोसार सांस्कृतिक विरसे ते साहित्यकलाएं गी बढ़ावा देने दे कन्नो कन्नी सैलानिएं गी इत्थूं दी कुदरती खूबसूरती दे छलैपे दा नंद लैने लेई आकर्शित करना ऐ।

उनें आखेआ जे 19 दिसम्बर गी आयोजत कीते जा'रदे इस ऑटम उत्सव दरान लोकें ते टकोह्दा करियै नोजवानें गी केन्द्र आस्सेआ प्रोयाजित स्कीमें, केन्द्र शासत प्रदेश दिएं स्कीमें, मिशन यूथ दिएं पैह्लकदमिएं, हुनर विकास कार्यक्रमें ते नोजवानें लेई पेशेकराना कोर्स दे बारे बी जानकारी उपलब्ध कराई जाग ।

<><><><><><>

Commissioner JMC

जम्मू नगर पालिका दे कमीशनर डॉ. देवांश यादव होरें कल जम्मू उत्तर दा दौरा लाया ते नगर निगम दी संपत्ति दी साफ सफाई ते हालात दा जायजा लैता। अपने इस दौरे दरान कमीशनर होरें बक्ख—बक्ख इलाकें दा दौरा लाया जिंदे च जम्मू दे कंजी हाउस दा मच्छी बजारबी शामिल ऐ। कंजी हाउस च कमीशनर होरें दस्सेआ जे मच्छी बजार गी नरवाल मंडी च शिफ्ट करी दित्ता जाग जेह्दे लेई उत्थें दकानदारें गी पैह्ले गै दकानां एलॉट कीतियां गेदियां न।

<><><><><><>